

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ
OPĆINSKO VIJEĆE

Broj: 02-05-1-2312 /17
Datum, 10.10.2017.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

ZAPISNIK

Sa 10. sjednice Općinskog vijeća Maglaj
održane dana 10.10.2017.godine u 10,00 sati u sali
JU Dom kulture «Edhem Mulabdić» Maglaj

Sjednicom predsjedava Svjetlana Zamboni , predsjedavajuća Općinskog vijeća.
Sjednici prisutan općinski načelnik Mirsad Mahmutagić,
Zapisničar, Nisveta Bašić

Predsjedavajuća OV, na osnovu člana 59. Poslovnika o radu Općinskog vijeća Maglaj i zaključka Kolegija OV od 02.10.2017.godine, Programa rada OV za 2017.godinu, te ukazane potrebe otvaram 10. redovnu sjednicu Općinskog vijeća Maglaj.

Na današnju sjednicu pozvani su vijećnici parlamentarnih političkih stranaka, SDA-a, SDP-a, SBB-a, DF-a, HDZ-a, SBiH-a, kao i samostalni vijećnici Mustafa Buljubašić i Mustafa Bešić. Ovom prilikom želim upoznati Općinsko vijeće da je vijećnik Mustafa Bešić dopisom od 11.09.2017. godine obavijestio Općinsko vijeće da od 01.09.2017.godine nastupa kao samostalni vijećnik. Pozivan je i Općinski načelnik, rukovodioci općinskih službi, Općinska pravobraniteljica, predstavnici JU i JP, kao i predstavnici čiji materijali će biti razmatrani na današnjoj sjednici OV. Gospođa Tatjana Bajraktarević, predsjednica UO JU Dječiji vrtić Maglaj, gospodin Mušić Alen, komandir PS Maglaj, gospodin Mešić Mirza, predsjednik Komisije za bezbjednost saobraćaja, gospođa Jasminka Mečkić, Kantonalna uprava za šumarstvo i gospodin Edin Brka, Šumsko privredno društvo ZDK. Poziv za sjednicu i materijal dostavljeni su OSCE-ovom terenskom uredu Travnik, sredstvima informisanja koji prate rad današnje sjednice Vijeća. Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Pozivam predstavnika općinske administracije da prozvikom utvrdimo broj prisutnih vijećnika, uz napomenu da je gospodin Josip Jurišić najavio da će kasniti zbog aktivnosti vezanih za otvaranje škole u Ozimici i posjete Premijera i ministara ZDK.

Konstatujem da sjednici prisustvuje 23 vijećnika.

Nisu prisutni vijećnici Bašić Kanita i Josip Jurišić.

Konstatujem da OV može punovažno raditi, odlučivati, donositi odluke, zaključke i rješenja, ovim je ispoštovan član 88. Poslovnika o radu OV Maglaj.

Prije nego pređemo na verifikaciju zapisnika, ja bih zamolila Kolegij za jednu vrlo kratku pauzu vezano za usaglašavanje tačaka dnevnog reda.

Pauza za Kolegij OV.

Pauza za Klubove SDA i Koalicioni blok

U skladu sa članom 80. Poslovnika o radu na današnjoj sjednici izvršiti ćemo verifikaciju zapisnika sa 9. redovne sjednice OV. Da li ima primjedbi na zapisnik sa 9. sjednice.

Nema primjedbi

Verifikuje se zapisnik sa 9. sjednice Općinskog vijeća Maglaj

Jednoglasno

Predsjedavajuća OV, prelazimo na dnevni red koji je utvrđen na Kolegiju, obzirom da smo mi usaglasili dnevni red i da su sugestije i prijedlozi izneseni na samom Kolegiju, pročitat će utvrđeni dnevni red koji dajem na prijedlog za glasanje. Za ovakav prijedlog dnevnog reda opredijelili smo se kako bi gosti na današnjoj sjednici što prije završili sa tačkama dnevnog reda po kojima su i prisutni.

DNEVNI RED

1. Informacija o stanju bezbjednosti za prvih šest mjeseci 2017. godine (javni red i mir, kriminalitet i bezbjednost saobraćaja);
2. Informacija o stanju vertikalne i horizontalne saobraćajne signalizacije - (Komisija za bezbjednost saobraćaja);
3. Program rada Javne ustanove Dječiji vrtić Maglaj za školsku 2017./2018. godinu, Informacija;
4. Informacija o stanju gazdovanja šumama na području općine Maglaj u 2017. godini;
5. Prijedlog Odluke o gubitku statusa javnog dobra u općoj upotrebi (Hasanić Nijaz);
6. Prijedlog Odluke o pristupanju izradi Strategije razvoja turizma i turističkih potencijala na općini Maglaj;
7. Prijedlog Odluke o dimnjačarskoj djelatnosti;
8. Informacija o provedenoj obaveznoj preventivnoj sistematskoj deratizaciji, dezinfekciji i dezinskciji na području općine Maglaj - proljetna faza 2017. godina;

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Mustafa Buljubašić i Mustafa Bešić, samostalni vijećnici, Fermić Hajrudin, Delić Fikret (DF).

Glasalo 10 glasova protiv: Adis Abdurahmanović, Nedžad Alispahić, Selma Avdić, Mirsad Bejić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA.

AD – 1 Informacija o stanju bezbjednosti za prvih šest mjeseci 2017. godine (javni red i mir, kriminalitet i bezbjednost saobraćaja);

Alen Mušić, komandir Policijske stanice – uvodno izlaganje.

Otvaram raspravu.

Vijećnica Selma Avdić, Informacija je urađena detaljno, tabelarno je navedeno sve što je trebalo se navesti.

Zamolila bih da policija bar ponekad reguliše saobraćaj na dijelu puta kod «Natron-Hayat». Ulica mladih i Srebreničkih žrtava rata, svjedoci smo da se dešavaju pijančenja, narkotici, ispod obala rijeke Bosne tu su razna okupljanja u kasnim noćnim i ranim jutarnjim satima. Građani se žale na te pojave.

Što se tiče rada policije nemam primjedbi na njihov rad.

Trebaju se postaviti ležeći policajci kod škola, postavljen je u Ulišnjaku, kao i znaci «STOP».

Klub vijećnika SDA prima k znanju Informaciju o stanju bezbjednosti za prvih šest mjeseci 2017. godine (javni red i mir, kriminalitet i bezbjednost saobraćaja).

Vijećnik Hajrudin Fermić, iznijeti ću nekoliko komentara i stavova ispred Kluba DF i nekoliko sugestija, prije svega Policijskoj stanici ali i nadležnim u Općini.

Povjerenje kod građana na policajce i MUP je još uvijek na izuzetno visokom nivou, bez obzira na sva dešavanja koja su se događala na području općine Maglaj i šire. U radu policije ne smije ni u jednom momentu da bude razlike među građanima kada je u pitanju poštivanje zakona ili odluka, pošto policija radi i u skladu sa općinskim odlukama. Ovo govorim zato što je evidentno da se u određenim situacijama zakon i provodi selektivno. To je još jedan razloga da se apeluje na policajce da to ne dozvoli.

Želim napomenuti da su dobri zaključci bili koje je predložilo Ministarstvo unutrašnjih poslova i koje je Vlada ZDK usvojila kao takve i koji važe i za PS Maglaj. To je set svih mjera, ali želim podcrtati kada je u pitanju prijedlog mjera javnog reda i mira, što važi i za ovu Stanicu bezbjednosti, da će se posebna pažnja obratiti na kretanje maloljetnih lica u noćnim satima bez pratnje roditelja ili staratelja. Zatim nastaviti će se aktivnosti na pružanju asistencije inspekcijским organima kao i kontroli rada ugostiteljskih objekata...Stalno se bilježe kršenja ne samo na području grada nego i u drugim n/m.

Kada su u pitanju mjere iz oblasti kriminaliteta, treba nastaviti sa aktivnostima po predmetima vezanim za privredni kriminalitet po pitanju zloupotreba prilikom privatizacije preduzeća. Ovo su zaključci MUP-a ZDK.

Nastavit će se sa aktivnostima mobilnih timova u svrhu otkrivanja iz oblasti krivičnih djela, nezakonito posjedovanje oružja, eksplozivnih materija, droga itd. vi to sigurno radite, ali sasvim sigurno treba još dodatnih mjera i aktivnosti.

Predlažem zaključak obzirom da sam bio na Forumu i da to Komandir nije pomenuo ovdje, da je puno pitanja u kojima se brkaju nadležnosti između Policijske stanice i nadležnih općinskih službi, prije svega u oblasti bezbjednosti saobraćaja. Predlažem da Savjet za bezbjednost saobraćaja, dajem prijedlog Načelniku da proširi taj savjet sa predstavnikom iz Policijske stanice, kako bi efikasnije i lakše i brže komunicirali članovi komisije, odnosno nadležna Služba i Stanica bezbjednosti. Sugestija što više da sarađujete sa predstavnicima mjesnih zajednica, što više sa ljudima iz kućnih savjeta a isto tako i sa građanima.

Klub DF prihvata ovu Informaciju kao takvu k znanju.

Vijećnik Mustafa Bešić, mještani Domisllice su me zamolili da ukažem na problem, tj. u kasnim večernjim satima dolazi se na mjesni poligon u alkoholiziranom stanju sa vozilima, ostaju tu do ujutro i ostavljaju za sobom ogromne količine smeća. Mi smo se u više navrata obraćali policiji, policija dođe što može uraditi, nakon dva-tri dana ponovo isto.

Ono što tražimo od Policijske stanice da pojača gore nadzor, pošto smo mi posljednje n/m gore i da je jako pogodno mjesto za okupljanje. Nije to samo u dane vikenda, to je svaku noć.

Pitam Komandira policije da li imaju dovoljan broj policajaca da može obezbijediti sigurnost i bezbjednost na cijeloj općini Maglaj?

Vijećnik Mirza Bradarić, Klub vijećnika SDP-a će primiti ovu Informaciju k znanju.

Postavit ću par pitanja vezano za ove tabele.

Na strani 2. kada je kriminalitet u pitanju, stavka neovlaštena proizvodnja i stavljanje u promet opojnih droga u 2017. godini u prvih 6 mjeseci samo su tri slučaja, dok u 2016. godini nije zabilježen niti jedan slučaj. Svjesni smo da svi, da svaki dan na raznoraznim portalima i sredstvima informiranja bude ova informacija. Siguran sam da kada budemo dobili izvještaj za II polovinu 2017. godine da će ovaj broj biti puno veći.

Ja bih zamolio Komandira da u narednim informacija koje bude dostavljao Općinskom vijeću da ipak malo detaljnije prikaže stanje i po samim mjesnim zajednicama. Kroz ove tabelarne prikaze vidi se u jednom dijelu da su to ulice, trgovi itd. međutim mi nemamo informaciju šta se konkretno dešava po svim MZ na području općine Maglaj, zato molim da se u narednim informacijama više pažnje posveti samim mjesnim zajednicama.

Po pitanju javnog reda i mira na strani 3, također bi zamolio da budete precizniji po pitanju nekih stavki. Tabela broj 2. piše ostali prekršaji. Šta su to ostali prekršaji? Molim da navedete šta su to ostali prekršaji.

Stavka prosjačenje, piše da je u 2017. godini za prvih 6 mjeseci bilo 5 slučajeva prosjačenja. Pitao bih Komandira je li to ono što je službeno zabilježeno ili je to neka druga stavka? Mislim da bi ovaj broj trebao biti puno veći.

U tabeli broj 3. kaže mjesto činjenja prekršaja. I stavka ostala mjesta koja je najbrojnija, piše 28. Također bi i tu zamolio malo detaljniju informaciju koja su to ostala mjesta.

Kada su u pitanju službenici PS i kada oni koriste službene automobile, molim odgovor da li se i oni moraju ako nije hitan slučaj, ako ne voze pod rotacijom da li se i oni moraju pridržavati pravila, saobraćajnih znakova.

Alen Mušić, dao odgovore na postavljena pitanja i sugestije.

Krenut ću od zadnjeg izlaganja gospodina Mirze. Kad je u pitanju oblast kriminaliteta, postavljeno je pitanje koje se odnosi na neovlaštenu proizvodnju i stavljanje u promet opojnih droga i posjedovanje, omogućavanje opojnih droga, pokazatelji 2016/2017. godina. Ja ću istaći činjenicu i kad je u pitanju ova vrsta krivičnih djela. S obzirom da se rade vještačenja materijala koji je oduzet od izvršioca, tek po dobijanju nalaza vještačenja mi možemo kad znamo o čemu se radi, dostaviti izvještaj Kantonalnom Tužilaštvu, tako da veliki broj vještačenja se još čeka. Ono što ste rekli policija radi po ovom segmentu, ali ti pokazatelji tek kad se ozvaniče vještačenjem mi tada sa sigurnošću možemo reći da se radi o opojnoj drogi.

Pitanje koje se odnosi na bezbjednost mjesnih zajednica, mi smo ovu informaciju bazirali na općinu Maglaj, naravno u sklopu su i mjesne zajednice i ona se odnosi na sve mjesne zajednice. Da ima iskakanja u određenim mjesnim zajednicama mi bi sigurno naveli te pokazatelje da je alarmantno u određenim mjesnim zajednicama, tako da je bezbjednost u mjesnim zajednicama zadovoljavajuća kao što stoji u informaciji.

Podaci koji se odnose na oblast javnog reda i mire, gdje stoje ostala mjesta, ostali prekršaji, prosjačenje. Ono što je bitno napomenuti kad je u pitanju prosjačenje nije samo Maglaj opterećen ovom problematikom i mi nastojimo da poduzimamo, mi smo i poslije ovog period od 6 mjeseci poduzeli određene mjere u sprečavanju i pokazatelji će sigurno na kraju godine biti veći u odnosu na ovu oblast to je problem u čitavoj državi, a svakako nije ni policija jedina koja bi trebala uzeti učešće u rješavanju ove problematike, ali postoji javni red i mir je u našoj nadležnosti, postoji kvalifikacija ovog prekršaja i mi ćemo poduzimati prema ovim prekršiocima propisane mjere.

Mi smo u Informaciji naveli kad su u pitanju ostala mjesta, smatrali smo da su to ta mjesta tako bitna i najviše građana se nalazi na tim mjestima, kao što su ulice, trgovi, otvoreni prostor, sportske dvorane, školska dvorišta, ali nije problem u narednim informacijama da prezentiramo i te pokazatelje, kao i ostale prekršaje. Mi smo ovdje išli na ono što je najviše izraženo ono što je najizraženije kad su u pitanju prekršaji, to su ove kvalifikacije koje se najviše i ponavljaju iz dana u dan.

Bezbjednost saobraćaja, pitanje se odnosilo na saobraćajne nezgode, ulice u gradu i mi nastojimo kroz redovne aktivnosti pokušavamo smanjiti pored svih mjera koje poduzima ne samo PS Maglaj, nego čitava uprava ZDK policije. Svjedoci ste i možda i vidite koje se mjere poduzimaju i pored tih radarskih kontrola i prisustva patrola policije, nažalost opet se dešavaju nezgode. Ovdje je bitno napomenuti da svaka nezgoda je evidentirana i taj broj koji se desi na parking prostorima, ulicama itd. nažalost ne samo zbog mjera koje su pominjane, da ne govorimo o drugim mjerama, znači moramo se svi uključiti u rješavanje problema kad je u pitanju bezbjednost saobraćaja. Policija će sigurno sa svoje strane pored ovih preventivnih mjera poduzimati represivne da bi se ovaj broj smanjio. Pitanje poštivanje saobraćajnih propisa, stav moj lični i Policijske stanice je da svi moraju poštovati saobraćajne propise bez obzira o kome se radi, tako i službenicima policije. Zakon o bezbjednosti saobraćaja je regulisao određene aktivnosti i mjere koje mogu poduzimati u izvršavanju određenih službenih zadataka koji se odnose na ovo što vi pitate. Ja bih volio da vi javno iznesete na koga se odnosi, ako je prekršio taj propis.

Pitanje gospodina Bešić Mustafe, vezano za poligon u Domisluci, vi ste spomenuti da policija gore izlazi i da se učestalo to ponavlja iz dana u dan, ja sam evidentirao i mi ćemo nastojati da pojačamo te mjere kad je u pitanju prisustvo patrola policije na tom području i da riješimo ovaj problem. Policijska stanica Maglaj ima dovoljan broj policajaca i ja mislim da ni jedan javni skup koji je nama najavljen a da nije obezbijeđen od strane Policijske

stanice i službenika i da nisu poduzete sve mjere. Nema aktivnosti i mjere koje službenici Policijske stanice Maglaj ne mogu odgovoriti tom zadatku. Odgovor je da postoji dovoljan broj policijskih službenika i kad je u pitanju bezbjednost građana mogu odgovoriti na sve zadatke.

Ja ću pokušati dati odgovore na neka pitanja gospodina Fermića koji je i član Foruma za bezbjednost građana.

Kad je u pitanju prolazak teretnih vozila – šticara saobraćajni znak ograničenja tereta 15 t, nažalost taj znak na toj lokaciji da li ga neko skloni ili uništi. Mi smo poslije tog pitanja i poduzimali mjere i imamo evidentirane koliko smo sankcionisali prekršilaca kad je u pitanju prolazak odnosno ne poštivanje saobraćajnog znaka 15t. Nažalost na nekim lokacijama mi ne možemo poduzeti mjere s obzirom da ne postoji saobraćajni znakovi i nadamo se da će u narednom periodu, kad je u pitanju saobraćajna infrastruktura postaviti se i mi ćemo poduzimati mjere vezano za tu oblast.

Ja sam i na Formu odgovarao gospodinu Fermiću, isto je pitanje postavljeno, moj odgovor je isti. Niti smije niti treba biti selekcije u pogledu provedbe zakona kad su u pitanju izvršiocima iz bilo koje oblasti, da li kriminalitet, javni red i mir, saobraćaj, svi građani trebaju biti jednaki pred zakonom.

Bitno je napomenuti da policija može daleko veći efekat i daleko veće rezultate rada dati pored ovih koji su navedeni u informaciji u saradnji sa građanima. Svaka informacija i svaka prijava pravovremeno nadležnoj Policijskoj stanici može doprinijeti boljoj bezbjednosnoj situaciji. Sa ovog mjesta pozivam sve građane da ukoliko raspolažu sa bilo kojom informacijom ili bilo šta zapaze sumnjivo u svojoj blizini mogu prijaviti PS Maglaj koji će odgovoriti na te zadatke i poduzeti adekvatne mjere.

Kad je u pitanju provedba Zakona o buci i Zakona o javnom redu i miru i mi smo poduzimali u proteklom periodu mjere kad je u pitanju ta oblast, međutim, ono što je činjenica da većina mjesta da li su to ugostiteljski objekti ne ispunjavaju uslove za reprodukciju muzike, ako bi se poštovao ovaj Zakon o buci, treba prvo ispuniti uslove, a zna se kad ispuni uslove to onda nije problem.

Gospođa Selma Avdić, je iznijela par pitanja, odnosno više sugestija na zapažanja koja je ona uočila u Ulici mladih. Nažalost postoje osobe ili građani koji svojim činjenjem stvaraju neku uznemirenost građana. Kako ste vidjeli u Informaciji mi prema tim povratnicima, odnosno prekršiocima, možda ova informacija nema taj pregled, koliko je bitno napomenuti samo kad su u pitanju ti prekršiocima težih prekršaja iz oblasti bezbjednosti i saobraćaja da smo mi u toku šest mjeseci 2017. godine oduzeli 12 motornih vozila i jedan moped. To je veliki rezultat PS Maglaj i mi ćemo to nastaviti i u narednom periodu.

Predsjedavajuća OV, zaključujem raspravu i predlažem

- Informacija o stanju bezbjednosti za prvih šest mjeseci 2017. godine (javni red i mir, kriminalitet i bezbjednost saobraćaja), prima se k znanju, uvažavajući sve iznesene sugestije.

AD –2 Informacija o stanju vertikalne i horizontalne saobraćajne signalizacije – (Komisija za bezbjednost saobraćaja);

Mirza Mešić, obrazloženje Informacije.

Otvorena je rasprava

Vijećnica Ermina Muminović, Klub vijećnika SDA prima k znanju Informaciju o stanju vertikalne i horizontalne saobraćajne signalizacije. Predlažem da se u planu realizacije ove Informacije predvidi da se u n/m pored škole pored postavljanja znaka ograničenja da se predvide i preventivne izbočine. Vijeće mjesne zajednice je već ranije upućivalo zahtjeve nadležnoj Službi po ovom pitanju, i mislim da bi se na taj način uticalo na nesavjesne vozače da uspire barem pored škole.

Vijećnik Hajrudin Fermić, sad predlažem zaključak koji sam ponovio u prethodnoj tački a to je da ovaj Savjet za bezbjednost bude proširen sa predstavnikom iz Policijske stanice Maglaj.

Drugo mi smo svjesni koliko je potrebno finansijskih sredstava da se to uredi, svi znamo da ne može to biti sve riješeno u jednom kratkom roku i realizovano. Drugi prijedlog zaključka: Da se utvrde prioriteta u rješavanju horizontalne i vertikalne signalizacije koje će predložiti ovaj Savjet za bezbjednost saobraćaja i dostaviti nadležnoj Službi.

Vijećnik Edib Delić, ja ću iznijeti svoj lični stav po pitanju ove tačke.

U više navrata sam kao predsjednik Mjesne zajednice Moševac slao dopise kad je u pitanju horizontalna i vertikalna signalizacija, a posebno na one puteve koji prolaze pored škola gdje se kreće najosjetljivija kategorija stanovništva. Nije bilo nekih rezultata, valjda se to sve skupilo i evo rezultat je tu pred nama. Ono što je činjenica jeste da se slažem sa svim ovim prijedlozima izuzev tačke 5. gdje stoji na spajanju sa magistralnom cestom u neposrednoj blizini kuće Asima Avdića. Potrebno je postaviti znak ograničenja brzine 40 km/h, i zabrana za vozila ukupne mase preko 15 tona. Ja znam kolika je debljina asfalta na onom putu pa predlažem da smanjimo nosivost na 10 tona, pošto je debljina asfaltna na tom putu 5 cm. Trenutno postojeće stanje tog puta je veoma loše, put je popucao i stoga predlažem da ako je moguće da smanjimo ovu ukupnu nosivost.

Vijećnik Mirza Bradarić, u ime Kluba SDP-a mi prihvatamo ovu Informaciju k znanju. Čestitamo ovoj Komisiji koji su uradili jedan ogroman posao.

Imam konkretno pitanje za Načelnika. Načelnice da li imate informaciju kada se planira pristupiti rješavanju ovih stavki i ovih stvari koje su navedene u ovoj Informaciji?

Potrebno je napraviti prioritete i za mene je prioritet škola, djeca. Slažem se da je problematika ispred škola da treba postaviti ležeće policajce i u Ravnoj i u Moševcu.

Problematika Šehidske ulice na Omerdinom Polju, već sam ranije pominjao. Tražio sam da se iznađe nekakvo rješenje u toj ulici od postavljanja vertikalne signalizacije, pa do horizontalne signalizacije.

Pitao bih predsjednika ovog Savjeta, ono što me interesuje a tiče se strane 10. Mi smo u prethodnom mandatu kolega Hatičić i ja tražili izmjenu ovih znakova u ulici Aleja Ijljana, naročito prema školi i u ulici 1. Marta. Da li smo mi na osnovu Zakona o saobraćaju možda donijeli nelegalnu odluku, odluku koja je možda u sukobu sa zakonom. Ovdje stoji boldirano da bi se ta brzina od 30 km/h i 40 km/h u ulici 1. Marta trebala povećati radi likvidnosti. Da li smo mi donijeli nezakonitu odluku? Ako to nije u sukobu sa zakonom i ako mi na lokalnom nivou imamo pravo donositi ovakve odluke, ja o tome definitivno ne želim razgovarati.

Vijećnica Šefka Hasanić, Klub vijećnika SDA upućujem prijedlog Općinskom načelniku za iduću sjednicu Općinskog vijeća da se pripremi Plan realizacije aktivnosti po informaciji o stanju horizontalne i vertikalne saobraćajne signalizacije i da se odredi rok od tri mjeseca za izvršenje tog plana. Znači prvi mjesec neka budu prioriteta škole, drugi mjesec druga kategorija i treći mjesec treća kategorija. Nema potrebe da ovo razvlačimo na 5-6 mjeseci ovo su pitanja koja su značajna za naše građane i njihovu sigurnost i bezbjednost na putevima.

Vijećnik Mustafa Bešić, pohvaljujem Informaciju, a imam jedan prijedlog ispred Mjesne zajednice. Da se postavi na dionici puta u Domisluci tamo od mosta kraj džamije to je naša glavna ulica ima pravca 300 metara, ako je mogućnost jedan ili dva ležeća policajca. Na toj dionici puta imamo džamiju, mekteb, dječije igralište, to je naša glavna i centralna ulica. Radi zaštite djece i ostalog stanovništva jako je bitno.

Vijećnik Safet Jašić, kod OŠ «Kopice» nekad u proljeće su postavljena dva saobraćajna znaka iz oba smjera, nije odradila Služba svoj dio posla, od dva znaka ostalo je pola, jedan i po nema. Trebaju da postoje ti saobraćajni znaci kod škole, a mislim da bi trebalo da se postavi bar jedan ležeći policajac iz pravca Kopica, imajući u vidu šta se dešava sa tim saobraćajnim znacima.

Općinski načelnik, Informacija jeste dobra, a ja bih pohvalio i Komisiju koja je pripremila ovu Informaciju. Ova sugestija da se doda još jedan član ispred PS to ćemo odmah učiniti.

Dosta je bilo primjedbi oko ležećih policajaca. Vi znate da smo usvojili Budžet za ovu godinu, usvojili smo i Program ulaganja i tamo stoje i ležeći policajci i ići će pokraj ovih škola. Ja sam tražio da to bude prije početka školske godine. Izvođač radova je radio po strani, i zadužujem Službu da se pod hitno uvede izvođač radova i da kod svih ovih škola kod kojih je predviđeno da se postave ležeći policajci, školska godina je krenula. Za Domislucu neće biti problem gore će biti jedan zahvat na lokalnoj cesti, tako da ovaj izvođač radova može gratis napraviti jedan – dva ležeća policajca na tom potezu i to ćemo riješiti.

Pored ovoga što je predviđeno gdje su škola, a ići će ležeći policajci i u Šehidskoj ulici.

Sa Komisijom sam dogovorio da naprave jedan kvalitetan dokument, ali isto tako iz tog dokumenta moramo odrediti prioritete koji su u skladu sa našim mogućnostima i da rješavamo jedno po jedno. Ovaj prijedlog da se za slijedeću sjednicu napravi plan realizacije mjera iz ove informacije nije realan. Realno je da se usvoji Budžet i da se u skladu sa Budžetom napravi prioriteta iz ove informacije i to će tako biti urađeno. Mi smo usvojili Budžet i isti je u realizaciji bliži se kraj godine. Usvojen je Plan infrastrukturnih ulaganja prema tome i vidjet ćemo da maksimalno izvučemo iz ovog Budžeta i da završimo priču za ovu godinu a da iduće godine uradimo što više. Vidite da se djelimično rješava to i u gradu i izvan grada kad je u pitanju signalizacija i ostaje taj problem uništavanja saobraćajnih znakova...

Vijećnica Šefka Hasanić, gospodine Načelnice ne vidim razlog da mi imamo Plan do iduće sjednice, možemo u tom planu postaviti nekakve drugačije rokove osim onog šta sam ja predložila. Realno je da imamo plan i planom definisati realizaciju do iduće sjednice. Ako nema sredstava u Budžetu da se to završi do iduće godine u Budžetu ima toliko sredstava, to ćemo završiti ove godine, a Budžetom predvidjeti za narednu godinu te stvari i te poslove pa ćemo to realizovati. Ne vidim nikakav problem da imamo plan do iduće sjednice Općinskog vijeća.

Mirza Mešić, dao odgovore na pitanja.

Predsjedavajuća OV, iako su ponuđeni odgovori na veliki broj pitanja dajem pauzu za Kolegij da sumiramo prijedloge zaključaka i pokušamo ih usuglasiti.

Pauza za Kolegij

Predsjedavajuća OV, prilikom diskusije predsjednici Klubova su kazali da Informaciju primaju k znanju, a sada ćemo se izjašnjavati o predloženim prijedlozima.

Vijećnica Šefka Hasanić, kolega Safet je bio na Kolegiju i prenio nam je stav Kolegija vezano za prijedlog plana po odluci. Svi smo mi pohvalili informaciju, pa ne vidim ako smo dali kratak rok neka se Načelnik izjasni koliko je to realan rok za izradu Plana. Svi smo pohvalili Komisija super radi, odradila posao pa zašto i općinska

administracija ne bi bila suport Komisiji koja će izraditi Plan. Znači da malo ubrzamo i općinsku administraciju. Ako mislite da je rok od 3 mjesec kratak, ne znam što bi to moglo biti za ovaj plan.

Vijećnik Hajrudin Ferić, obzirom da sam razumio ovaj stav Kluba SDA, samo želim da prenesem ono što smo mi na Kolegiju utvrdili i mislim da nema ni potrebe da Načelnik izlazi. Mi na kolegiju smo se dogovorili, usaglasili da zadužimo Savjet i tu je već pripremljen prijedlog zaključka Savjet za bezbjednost saobraćaja da utvrdi, odredi prioritete, da dostavi nadležnoj Službi, a nadležna služba na čelu sa Načelnikom poštujući zakonske propise, rokove itd. da nama predloži u zakonom predviđenom roku Program održavanja lokalnih, nekategorisanih cesta, horizontalne i vertikalne signalizacije. Krajnji rok po zakonu je 31. mart. Ako je sad sredina oktobra, to znači za tri mjeseca da bi mi morali imati već taj program. S druge strane kroz proces, kroz aktivnost rasprave o Budžetu koji već ulazi u formu nacрта, javnih rasprava i donošenja Budžeta do kraja godine, će biti određene i stavke i finansijski okviri koji će i odrediti ono što će biti u tom programu kao prioritete. To su i prijedlozi ovih zaključaka koje će predsjedavajuća da pročita.

Prvi prijedlog **zaključka** iznesen je od strane dopredsjedavajućeg i glasio je :

2.1. Savjet za bezbjednost saobraćaja proširiti za člana ili članove ispred Policijske stanice Maglaj ,a da se prilikom pripreme teksta Nacrta Odluke o bezbjednosti saobraćaja na području općine Maglaj, broj i sastav Savjeta precizno definiše.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, i Mustafa Bešić, samostalni vijećnik, Ferić Hajrudin, Delić Fikret (DF).

Glasalo 11 glasova uzdržanih : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA i Mustafa Buljubašić.

2.2. Utvrditi prioritete u rješavanju vertikalne i horizontalne signalizacije koje će utvrditi Savjet za bezbjednost saobraćaja i iste dostaviti Službi na rješavanje.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Mustafa Buljubašić i Mustafa Bešić, samostalni vijećnici, Ferić Hajrudin, Delić Fikret (DF).

Glasalo 10 glasova uzdržanih : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA.

Pauza za Kolegij

Predsjedavajuća OV, mislim da smo usaglasili makar mišljenje na Kolegiju, treći prijedlog Kolegija je bio:

2.3. Da se Program održavanja lokalnih, nekategorisanih puteva vezano za horizontalnu i vertikalnu signalizaciju na području općine Maglaj, donese u zakonom propisanom roku.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Mustafa Buljubašić i Mustafa Bešić, samostalni vijećnici, Ferić Hajrudin, Delić Fikret (DF).

Glasalo 10 glasova uzdržanih : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA.

2.4. Da se Program donese u roku od 3 mjeseca a za 2018. godinu.

Glasalo 10 glasova za : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA.

Glasalo 13 glasova uzdržanih: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Mustafa Buljubašić i Mustafa Bešić, samostalni vijećnici, Ferić Hajrudin, Delić Fikret (DF).

AD – 3 Program rada Javne ustanove Dječiji vrtić Maglaj za školsku 2017./2018. godinu, Informacija;

Predsjedavajuća OV, u sali je prisutna predsjednica UO Dječiji vrtić

Otvaram raspravu

Vijećnik Nedžad Lokmić, nakon detaljne analize ovog Programa, u ime Kluba SDP-a dat ćemo kratak osvrt na isti.

UO je na svojoj sjednici od 27.09.2017.godine donio Odluku o usvajanju godišnjeg Programa a nakon dobivene saglasnosti Pedagoškog zavoda Zenica.

Kada smo na 5. sjednici OV razmatrali izvještaje JU za 2016. godinu istakli smo niz primjedbi na rad ove ustanove za prethodnu godinu. Treba odmah istaći i pohvaliti činjenicu da je znatan broj tih primjedbi uvažen u ovom Programu i da se neki od tada navedenih nedostataka sada su uklonjeni...

Ostaje pitanje da li će se starija djeca voditi u školu, to je tada bila naša primjedba, jer to nije rađeno a u ovom izvještaju nema ili nismo mi primijetili tu informaciju. Da li se planira da se djeca koja su upisana u školu odvođe na nastavu kao što to rade ostali vrtići.

Odmah je primjetno da su uredno i precizno definirani sadržaji i bitne zadaće sa jasno naglašenim ciljevima i zadacima u oblasti razvoja, počevši sa tjelesnim i psihomotornim razvojem, preko socioemocionalnog razvoja i razvoja sposobnosti pa do spoznanog razvoja i razvoja govora, komunikacija, istraživanja i stvaralaštva. Dobro je da je nakon priprema u 2016. godini formirana i IV grupa djece uzrasta od 1 i po do tri godine života, jer znamo da je u prethodnoj godini bilo primjedbi da su preglomazne grupe...

U nadi da će zacrtani ciljevi i zadaci biti i realizirani, da će Ustanova uspjeti obezbijediti dodatni adekvatan i stručan kadar, da će među volonterima koji tu odrađuju svoj pripravnički staž biti i onih koji će se tu trajno zaposliti uz nadu da će se poboljšati materijalni položaj Ustanove i obrazovanja općenito. Klub SDP-a prima informaciju k znanju

Vijećnik Nedžad Alispahić, Klub vijećnika SDA prima k znanju Informaciju.

Tatjana Bajraktarević, dala odgovore, Vrtić je i do sada vodio predškolsku djecu u Osnovnu školu «Maglaj». Prva Osnovna škola ne, zbog udaljenosti, a i do sada nije bilo potrebe roditelja da djeca koja nastavljaju koristiti usluge Vrtića koji su upisani u prvi razred da se djeca odvođe u Prvu OŠ. Do sada nije bilo potrebe od strane roditelja, ako bude bilo potrebe, ja se nadam da će i UO i Menadžment riješiti taj problem.

Predsjedavajuća OV, zaključujem raspravu i predlažem:

- Prima se k znanju Program rada Javne ustanove Dječiji vrtić Maglaj za školsku 2017./2018. godinu, Informacija.

AD – 4 Informacija o stanju gazdovanja šumama na području općine Maglaj u 2017. godini;

Predsjedavajuća OV, govori na sjednicu su pozvani predstavnici Kantonalne uprave za šumarstvo i predstavnici ŠPD ZDK. Ima li potrebe da daju uvodnu riječ ili ćemo prvo raspravljati o ovome.

Otvaram raspravu

Vijećnik Bežić Mirsad, Klub vijećnika prima k znanju Informaciju o stanju gazdovanja šumama na području općine Maglaj u 2017. godini.

Vijećnik Safet Jašić, vi se sjećate Predsjedavajuća da smo mi na Kolegiju rekli da se bar jedan primjerak dostavi u pisanoj formi kad je u pitanju ova točka dnevnog reda i naravno da nema puno diskusija. Ja nisam dobio i zato i nema diskusija. Da smo dobili vjerovatno bi se na klubu malo više pribilježilo. Ovako nemam šta kazati. Znamo da je samo informacija i da se prima k znanju, a vjerovatno bi bilo diskusija po ovoj tački, jer je ovo vrlo bitna tačka.

Predsjedavajuća OV, provjerite još jednom da li ste dobili. Ja sam sigurna da je materijal dostavljen. U svakom slučaju informaciju smo imali svi smo je dobili na mailove i ja ista sam je putem maila iščitavala i pripremala se za sjednicu. Ne bi htjela da ovdje prisutni gosti smatraju kako informacija nije dostavljena vijećnicima. Obzirom na obim materijala koji je dostavljen od strane i ŠPD i naše Šumarije mi smo ih prosljedili u vidu elektronske pošte i svaki vijećnik je imao tu informaciju na raspolaganju te se mogao adekvatno pripremati za ovu sjednicu.

Vijećnik Mustafa Bešić, dolazim iz mjesne zajednice gdje smo jako bogati sa šumom. To dobijaju dva-tri čovjeka, to je javna tajna i to su preprodavci nakupci. Mještani trpe za ogrijev, tako je svagdje. Nema sječe ali ima sječe. Ostali smo bez šume, bez vode...

Interesuje me kako mještani u n/m mogu doći do ogrijeva, na koji način? Mogu doći ali da plate nakupcima, ko to dozvoljava. Molim odgovor i mještani su me zamolili jer obični ljudi teško dođu do ogrijeva.

Jasminka Mečkić, šef Odjeljenja Kantonalne uprave u Maglaju. Koliko je gospodin Bešić postavio pitanje, radi se o novošeherskom kraju. To gazduje Šumarija Žepče. Državnim šumama na tom području gazduje Šumarija Žepče. Što se tiče Brezovih Dana, tu su većinom privatne šume, znači vlasnici privatnih šuma podnose zahtjeve za sječu, a realizaciju i kome će oni dati da im sječe drvenu masu, razvozi i prodaje to je njihova stvar. Ne možemo uticati na vlasnike šuma u Brezovim Danama da nekom prodaju. Koliko znam Šumarija Žepče je ove godine vrlo malo doznačila drvene mase. Možda bi trebali njih pozvati, pošto oni gazduju šumama na području novošeherskog kraja, bradičkog kraja, Liješnice, Tujnice

Što se tiče privatne šume to sam vam odgovorila.

Predsjedavajuća OV, zaključujem raspravu i predlažem

- Informacija o stanju gazdovanja šumama na području općine Maglaj u 2017. godini, prima se k znanju.

AD – 5 Prijedlog Odluke o gubitku statusa javnog dobra u općoj upotrebi (Hasanić Nijaz);

Fuad Hajrulahović, uvodno izlaganje po pitanju Odluke.

Otvaram raspravu

Vijećnik Mustafa Buljubašić, interesuje me kad Služba dobije ovakve i slične zahtjeve za formiranje građevinske parcele da li treba da se zna šta će se raditi na toj građevinskoj parceli? Možda će tu biti neki objekat koji neće zadovoljavat određene uslove, zagađivanja, prašine, itd. pa formirat takve parcele a ne znat šta će se na njima raditi, smatram da nije u redu. Mi bi to trebali da znamo.

Vijećnik Hajrudin Ferić, već dugo se o toj parceli govori, čak i postoji tamo neki objekat koji je urađen i meni nije jasno ni status tog objekta. Očekivao sam odgovor sa tri strane i od Pravobranioca i od predstavnika KJD, naravno i od šefa Službe, ali isto je pitanje. Da li tretira ovu građevinsku parcelu Odluka Općinskog vijeća Maglaj iz 2008. godine objavljena u «Službenim novinama 1/08» a koja govori o vodozaštitnim zonama u Misurićima. Da li je ta parcela tu, ako jeste mi moramo da krenemo u promjenu i te Odluke...

Vijećnik Safet Jašić, i nas brine najmanje dvije stvari. Nema stava Pravobranilaštva. Toliko smo govorili o tome da će na svim materijalima bit potpis Pravobranioca iza svakog Rješenja, sad odjednom nema ni stava Komisije, a da ne govorim o Pravobranioocu. Da znamo tačno zašto dižemo ruku, ako postoji razlog mi nećemo biti protiv u ovom slučaju bar stav Komisije.

Fuad Hajrulahović, malo sam zatečen ovim pitanjima, ali diskutujemo. Vi znate da prilikom izrade Reg. plana n/m Misurići i usvajanja Poslovne zone da su prethodno određene radnje. Tu je postojala vodozaštitna zona na kojoj je bila kompletna zabrana gradnje između M-17 i željezničke pruge. S obzirom da se pojavila potreba i da određeni bunari koji su bili na toj lokaciji nisu više u funkciji, došlo je do određenih promjena i vodozaštitnih zona. Prilikom usvajanja Reg. plana koje je Općinsko vijeće usvojilo, usvojilo je i izmjene i dopune vodozaštitnih zona. Postoje i dalje tri vodozaštitne zone na potezu od željezničke pruge do M-17. I, II i III zaštitna zona.

U I zaštitnoj zoni se nalaze objekti koji su direktno uključeni za proizvodnju, preradu i transport voda. Znači to je I zaštitna zona u kojoj ne postoji nikakvo građenje izuzev objekata koji služe za vodosnabdijevanje. II zaštitnu zonu čine objekti koji svojim uticajem ne mogu napraviti štetu I vodozaštitnoj zoni, odnosno ne mogu izvršiti onečišćenje te vode i znači u toj II zaštitnoj zoni je tačno propisano koji se mogu objekti graditi, pod kojim uslovima i isto tako u III zaštitnoj zoni su propisani uslovi koji se objekti mogu graditi i pod kojim uslovima. Znači onog momenta kada je Općinsko vijeće usvojilo Regulacioni plan n/m Misurići i to potez između željezničke pruge i M-17 tu su definisane građevinske parcele koje su predviđene za gradnju, definisane su saobraćajnice i svi oni prateći objekti koji trebaju tu da budu na tom potezu. Služba koja provodi Regulacioni plan nije našla ništa sporno da se ne može udovoljiti formiranju građevinske parcele izuzev da se provede zakonska procedura gubitka statusa javnog dobra, što je i Općinski pravobranilac u svom izjašnjenju kako ste i sami pročitali dao i protumačio šta piše. Ako treba ja mogu pročitati izvod iz tog što je Pravobranilac rekao, imate vi sve to u materijalima. Mi smo i do sada u istoj toj poslovnoj zoni formirali parcele i objekti su izgrađeni tako da nema nikakav razlog drugi, ali nije nikakav problem, ako vi smatrate da treba za iduću sjednicu Vijeća da se izvrši dopuna, da se traži suglasnost od KJD i ostalih učesnika mi smo voljni i to pripremiti. S obzirom da imamo usvojen Regulacioni plan Služba nije smatrala da za formiranje građevinske parcele ima potrebu da se traži suglasnost, jer prilikom donošenja Regulacionog plana, na prijedlog i na nacrt Regulacionog plana ni KJD ni Željeznice i Direkcija cesta za M-17 i svi drugi učesnici, bila je javna rasprava i imali su mogućnost da iznesu svoje primjedbe i svoje stavove. S obzirom da nije bilo takvih primjedbi vi ste kao vijećnici usvojili taj plan. Ima izjašnjenje Općinskog pravobranioca u obrazloženju Odluke. Pošto sam rekao da postoje dvije vrste javnog dobra ima javno dobro koje se vodi na nekategorisanim putevima i javno dobro koji je taj potok, odnosno odvodni kanal koji je u nadležnosti Kantonalnog ministarstva za vodoprivredu, poljoprivredu i šumarstvo.

U svom obrazloženju Općinsko pravobranilaštvo je dostavilo obavijest broj: R 132/17 od 06.09.2017. godine, u kome navodi da je Općinsko pravobranilaštvo kroz postupak formiranja građevinske parcele za poslovni objekat Hasanić Nijaza iz Maglaj, nakon što je zaprimilo dokumentaciju i nalaz vještaka evidentirala upis Javnog dobra - Vode na k.č.br. 2776/4 površine 127 m², pokrenula postupak ukidanja Javnog dobra, da su se obratili zahtjevom za ukidanje statusa Javnog dobra kod Kantonalnog ministarstva za poljoprivredu, šumarstvo i vodoprivredu Zenica... U slijedećem stavu kaže Općinsko pravobranilaštvo će moći ponoviti zahtjev za gubitkom statusa javnog dobra kad se steknu ovi uslovi. Općinsko pravobranilaštvo je napomenulo da je za nepokretnosti označene kao u članu 1. Prijedloga Odluke potrebno provesti postupak gubitak statusa Javnog dobra Odlukom Općinskog vijeća.

U članu 1. Prijedloga Odluke o gubitku statusa javnog dobra u općoj upotrebi piše: utvrđuje se da su izgubile status javnog dobra u općoj upotrebi nepokretnosti označene kao k.č.br. 1331/7 površine 363 m², k.č.br. 338/9 površine 108 m² i k.č.br. 1338/13 površine 4 m².

Služba će prihvatiti sve sugestije Općinskog vijeća, zaključak i postupiti po tome.

Vijećnik Hajrudin Fermić, mislim da ne bi bilo problema nikakvih da smo mi malo detaljnije i jasnije dobili određene odgovore u obrazloženju. Nije to baš nesuvislo, pitanja Regulacioni plan koji smo mi donijeli apsolutno ništa ne znači kad je ovaj dio u pitanju, ova zabrinutost za vodozaštitne zone. ...

Da mi ne nagađamo vidim ovdje inspektorku gospođu Merimu, možda bi ona u ovom trenutku mogla da da odgovor kakva je situacija gore, ali u svakom slučaju treba nam taj odgovor šta je u II vodozaštitnoj zoni... Dosta je pitanja i vrlo je teško donositi takve odluke.

Merima Mahmutović, nisam u toku uopšte niti o kakvom se građevinskom objektu radi, niti kakvoj gradnji niti bilo čemu.

Ono što mogu ja reći obzirom na poziciju radnog mjesta na kojem se nalazim, to je da kada su u pitanju vodozaštitne zone, odnosno pod brojem 1. pitati vlasnika vodnog objekta koji raspolaže tim vodnim objektom a to je kod KJD Maglaj. Obzirom da je u pitanju gradski vodovod. Vodozaštitna zona, odnosno rješenje o dobijanju vodozaštitne zone je isteklog roka trajanja, odnosno nju je trebalo obnoviti. Nisam obaviještena da li je to urađeno, odnosno nisam u toku da li je ta vodozaštitna zona još uvijek na snazi. U svakom slučaju trebalo je prvo dobiti saglasnosti i sve ove podatke pribaviti od KJD kao vlasnika vodnog objekta. Sad je apsurd da mi pričamo šta je dozvoljeno u I, II, III zoni itd. ako nemamo ove osnovne pokazatelje.

Fuad Hajrulahović, ne bih da ulazimo u neke polemike, ovo što je inspektor iznijela podatak ovdje se ne radi o nikakvim vodnim objektima. Prema tome, ne radi se o vodnim objektima koji su u vlasništvu KJD, nego se radi o zemljištu koje je Regulacionim planom predviđeno kao poslovna zona. Ne bih htio da uđete u neku nedoumicu da neko nešto radi. Mislim da inspektorka nije u ovom momentu spremna da da odgovor. Nikakvi tu vodni objekti nemaju izuzev potoka koji odvodi vodu sa M-17 odvodi površinske vode. Na tim prostorima su bili bunari koje je KJD dalo suglasnost da se kao takvi zatrpaju jer se više ne koriste. Ja ne mogu govoriti o odluci koja se radi, koja će biti o zaštitnoj zoni, ali znamo da je Regulacioni plan donesen na osnovu zaštitnih zona koje su bile tada na snazi. Buduće zaštitne zone mogu biti samo malo «komotnije» od onih kad su bile, jer šta ćemo sa objektima koji su izgrađeni na tom području. Vi dobro znate da smo mi ogromna sredstva uložili na tom području pa na kanalizacionom sistemu.

Vijećnik Nedžad Lokmić, gospodin Hajrulahović je lijepo primijetio i vratio nas sve na ono o čemu raspravljamo. Nema nikakvih objekta, zgrada, građenja nego jednostavno odluka o gubitku statusa javnog dobra. Ja sam zadovoljan obrazloženjima i zaboravljamo svi da smo na Kolegiju imali dogovor da ova tačka ostane na današnjem dnevnom redu, jer vezani smo i vremenskim rokovima od strane viših instanci dovodeći u pitanju sredstva od 175.000 KM sa Federalnog nivoa. Ja prvi ukoliko se kasnije utvrde kakve anomalije, nezakonitosti i sl. biti spreman da revidiramo takvu odluku. Sad vas molim da podržimo ovo jer smo vremenski vezani od strane viših instanci. Samo Odluka o gubitku statusa javnog dobra o tome raspravljamo.

Vijećnik Safet Jašić, nas u Klubu zanima zašto nije prošlo bar proceduru Komisije, da imamo stav Komisije da je to koliko toliko rađeno na tome. Lomljenje preko koljena uvijek nas košta. Hoćemo se uspjati vratiti nazad ili nećemo, zašto nije Komisija sjela i donijela neke smjernice da možemo se odrediti danas.

Vijećnik Muhamed Hrnjić, meni je posebno drago što gospodin Safet Jašić traži mišljenje Komisije i da će prihvatiti to. Do sad su govorili da ne priznaju Komisije ni jedne. Ja sam se sa članovima Komisije čuo putem telefona i ocijenio sam ja lično da na ove tri tačke dnevnog reda nema odlučivanja finansijskog i nismo ni sazivali komisiju...

Mi smo na Kolegiju predložili da tri tačke skinemo s dnevnog reda a da ide ova četvrta.

Općinski načelnik, ovdje se pokušava napraviti problem, a ne riješiti problem. Molim vas nemojte gubiti vrijeme skinite ovu tačku s dnevnog reda i završite priču. Recite šta hoćete da se dostavi. Ovdje niko ništa ne mušefera, barem ja ne znam da to radi, znam da Služba to ne radi. Pravobranilac je dao svoje mišljenje, recite šta hoćete i dostavit ćemo za iduću sjednicu.

Ovo što je gospodin Lokmić pomenuo ovdje, dakle, postoji indirektna veza realizacije projekta u Misurićima gdje dobijamo, dobili smo odluku za novac od Federalnog ministarstva. Mi tamo trebamo da kupimo određeno zemljište i tamo gdje god zavirite zemljište je ovog gospodina. Ako nećete vi riješiti problem njegov, neće ni on riješiti problem naš. Možda ćemo doći u situaciju da sutra vratimo novac nazad. Neka ide i vi preuzmite tu odgovornost, ali nema potrebe da od ove tačke se pravi bauk.

Pauza za Klub SDP-a.

Predsjedavajuća OV, nakon pauze zaključujem raspravu i predlažem

Z A K L J U Č A K

5.1. Usvaja se Odluka o gubitku statusa javnog dobra u općoj upotrebi.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević SDP, Muhamed Hrnjić, SBB, Elvir Vehabović SBiH, Mustafa Buljubašić i Mustafa Bešić, samostalni vijećnici, Delić Fikret (DF).

Glasalo 10 glasova uzdržanih: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Ermina Muminović, Dženita Smajlović SDA.

Vijećnik Ferhić Hajrudin nije prisutan u sali u vrijeme glasanja.

AD – 6 Prijedlog Odluke o pristupanju izradi Strategije razvoja turizma i turističkih potencijala na općini Maglaj;

Ferhat Bradarić, dao obrazloženje Odluke.

Programom rada predviđeno je donošenje Odluke o pristupanju izradi Strategije razvoja turizma i turističkih potencijala na općini Maglaj.

Ovdje se radi o zaduženju Općinskog načelnika i Službe za privredu, finansije i razvoj poduzetništva gdje bi bili nosioci ovog postupka.

Prvi korak je da se imenuje radna grupa, shodno tome da se osigura odgovarajuća pomoć stručnih institucija.

Druga kod donošenja ove Strategije potrebno je postupkom direktnog sporazuma angažovati stručno lice koje može da vodi ovu grupu. To se može provesti kroz tri ponude zbog transparentnosti. Potrebo je definisati vremenski okvir ove Strategije. Mi smo ovdje stavili da je to 2017.- 2024. godina to nije definisano , to vi trebate da definišete vremenski okvir ukoliko smatrate da je to svrsishodno.

Također potrebno je definisati broj i članove radne grupe.

Naravno zbog vremenskog okvira i aktivnosti koje trebaju da slijede potrebno je definisati vremenski rok da se imenuje ova radna grupa i vremenski rok u kojem ta ista radna grupa treba da završi ovaj kompletan proces. Za ovakve aktivnosti potrebno je 4-6 mjeseci intenzivnog rada, obzirom da je potrebno raditi sektorske analize, snimat soekonomsku analizu, održati javnu raspravu pozvati sve sudionike na polju turizma na području općine Maglaj i kao takav dokument u formi prijedloga usvojiti na sjednici Općinskog vijeća.

Otvaram raspravu

Vijećnik Firuz Galijašević, prijedlog Kluba vijećnika SDP-a je:

Rok za formiranje radne grupe bi bio do 31.10. tj. do kraja ovog mjeseca, ako je moguće, a rok za izradu prijedloga Strategije razvoja, turizma i turističkih potencijala na općini Maglaj je do 31.12.2017.godine ako je moguće.

Vijećnik Edib Delić, Klub SDA je razmatrao prijedlog Odluke i mi ćemo prihvatiti ovaj prijedlog. Predlažemo da rok za izradu ove Strategije bude I-kvartal naredne 2018.godine. Također predlažemo pošto imamo Strategiju razvoja 2012.-2020. da se uzmu oni elementi koji se mogu iskoristiti iz postojeće strategije tj. to bi bila nekakva osnova za izradu ove nove Strategije i predlažemo da to budu naši domaći stručnjaci koji bi radili na ovoj Strategiji.

Vijećnica Svjetlana Zamboni, koji god rok da dogovorimo za izradu ove Strategije, ja bih zamolila gospodina Ferhat Bradarića da prilikom rasprave o nacrtu Budžeta ukoliko ikakva sredstva trebaju biti predviđena Budžetom za 2018.godinu da makar to bude spremno u zadatom roku, ako je moguće i ako zahtijeva ikakva sredstva za narednu godinu.

Vijećnica Šefka Nuhan, ja bih imala primjedbu koja se odnosi na obrazloženje. Kada su na području općine Maglaj nabrajani značajni kulturno historijski spomenici, nabrojani su samo iz užeg dijela gradskog područja. Nećemo zaboraviti da Šeher ima Mehmed-pašinu džamiju, da ima Put svile, da ima u Brezovim Danama neolitsko naselje i pored ovih elemenata i u drugim mjesnim zajednicama koje imaju. Malo je bilo neozbiljno samo navesti spomenike, objekte, ugostiteljske iz gradskog područja, ima u Šeheru i Kemina kafana, nemojmo se ograničavati s time. Mogli smo bez nabranjanja ovih subjekata, ako nismo htjeli nabrajati sve.

Općinski načelnik, ja bih iznio svoj lični stav kao Načelnik općine. Sve ove sugestije su korektno i ovo što je iznijela gospođa Šefka, naravno treba pokriti cijelo područje općine Maglaj. Maksimalno ćemo iskoristiti domaće kadrove.

Ako se vratimo na Strategiju o razvoju poljoprivrede, vidjeli ste da smo za mal novac dobili zaista dobru i kvalitetnu stvar, tako da ne treba bježati ni ovdje kad se govori o Strategiji razvoja turizma, a znate da smo u rebalansu onih minimalnih 5.000 podigli za neku 1000 više upravo razmišljajući o tome da ćemo ići u ovaj proces razvoja ove strategije i ja bih sugerisao vijećnicima iz SDP-a malo ste to prebrzo naveli eto nove godine. Što se mene lično tiče volio bih da prođe ovaj prijedlog koji je iznio gospodin Delić u ime Kluba SDA da forma nacrtu Strategije bude do kraja I-kvartala 2018. godine. Radnu grupu ćemo formirati što prije.

Ferhat Bradarić, mi smo po ovom pitanju konsultovali lokalne zajednice koje su provele ovu proceduru i donijeli ovakve dokumente. Najsvježiji primjer iz Općine Visoko gdje je bio angažovan prof. doktor Armin Peštek sa Ekonomskog fakulteta iz Sarajeva i pored njega još 25 članova te Radne grupe, gdje su bili osim predstavnika Općine, svi predstavnici javnih ustanova, predstavnici Policijskih stanica, mjesnih zajednica, privrednih subjekata, tako da je to jedna grupa od 25 članova plus dva predstavnika Ekonomskog fakulteta i to se završilo sve negdje do 6.000,00 KM, znači to je direktni sporazum. Isto slučaj kao i kod izrade razvoja Strategije poljoprivrede gdje je bio profesor Tanović.

Vijećnik Firuz Galijašević, prihvatamo sugestiju gospodina Načelnika i vijećnika Ediba Delića da to bude I-kvartal što se tiče izrade prijedloga. A što se tiče roka za formiranje radne grupe i dalje ostaje 31.10.2017.godine.

Vijećnik Hajrudin Fermić, nekoliko važnih napomena. Postojala je Strategija razvoja turizma FBiH za period 2008. i završava 2017. godine. Općina Maglaj u ovom periodu u ovih prethodnih 10 godina ništa apsolutno nije uradila da donese svoju Strategiju ili bilo koji drugi plan, smjernice itd. Dakle, završava se i sad se počinje da radi nova Strategija razvoja turizma kako na federalnom nivou od 2018. pa dalje, tako i na državnom nivou. Govorimo o toj Strategiji.

Druga bitna činjenica jeste da je krajem decembra 2016.godine, usvojen Nacrt Zakona o turističkoj djelatnosti sad je u formi prijedloga, a oni koji su pratili i prate, javna rasprava je bila po ovom nacrtu Federalnog Zakona i za područje ZDK krajem februara ove godine. Zašto spominjem ovaj Zakon? Spominjem ga zato što unosi toliko novina, toliko pogodnosti za lokalne zajednice da će sigurno doprinijeti u onim lokalnim zajednicama, onim općinama koje budu znale da iskoriste i sve ono što im taj novi zakon nudi procvat turizma. Tamo su predviđene i nove regulative od zadržavanja boravišnih taksi na lokalnom nivou, od određenih naknada koje će se slivati u lokalne budžete, od mogućnosti da lokalna zajednica ima svoju turističku organizaciju itd. dakle, jako dobro uređen taj zakon. Pitanje je mjeseca kad će se usvojiti taj Federalni Zakon.

Želim da napomenem da mi ovdje očekujemo i revidiranu Strategiju razvoja općine Maglaj za period do 2020. godine. Mislim da neke od ovih sektorskih grupa rade, neke ne rade u svakom slučaju segment turizma je tu već zastupljen i sigurno će se dosta stvari osviežiti u Strategiji razvoja općine Maglaj ili revidiranoj Strategiji.

Mi smo već godinu dana u procesu priprema donošenja Prostornog plana općine Maglaj, ako se sjetite one tematske sjednice kad su bili i gosti iz Kantonalnog zavoda tad su i govorili o onim statusima koji mogu biti i koji treba da budu utvrđeni u samom Prostornom planu, a između ostalog spominjali su i prirodna obilježja i hidroelektrane koje su planirane nekim drugim strategijama, pa mi treba da se izjasnimo da ili ne, pa između ostalog i o vrsti namjene zemljišta itd. To su dva najvažnija akta ove lokalne zajednice Strategija razvoja i Prostorni plan.

Također je važno napomenuti i tu predlažem zaključak, da na slijedeću sjednicu Općinskog vijeća imamo Informaciju o javnom privatnom partnerstvu.

U aprilu mjesecu 2017.godine Općinsko vijeće Tešanj donijelo je Odluku o javnom privatnom partnerstvu, tzv. srednjoročni plan za dvije godine sa tačno decidno taksativno utvrđenim planovima. Mi ovdje također smo kandidovali neke projekte i vrijednost je 25 miliona maraka, a Općinsko vijeće nije informisano, pa bih molio da to dođe na slijedeću sjednicu Općinskog vijeća, a između ostalog i u tom planu kojeg je sačinila administraciju koju je poslala gore, iako stoji u Zakonu o javnom privatnom partnerstvu da se mora objaviti na web stranici javnog partnera nije objavljeno. Dakle, i tu stoji jedan od projekata razvoj turističkih potencijala na području općine Maglaj.

Sve ovo govorim da bi bili svjesni i realni koliko bi bilo neplodno da mi požurimo sa ovom Strategijom, znači nemamo ni temelja, nemamo ni glave da uradimo. Zato predlažem da mi danas donesemo ovu Odluku o pristupanju izrade Strategije, da ovu Radnu grupu verifikuje Općinsko vijeće na jednoj od narednih sjednica, a da se pristupi izradi Strategije razvoja turizma i turističkih potencijala na općini Maglaj nakon što se usvoji revidirana Strategija razvoja općine Maglaj i Prostorni plan općine Maglaj. To je neka logika i idemo onda po sektorskim strategijama.

Da ta radna grupa pristupi izradi nakon što se donese Strategija razvoja općine Maglaj, odnosno Prostorni plan općine Maglaj.

Općinski načelnik, Gospodin Fermić nije bio tu, dok ste ušli u salu bio je prijedlog da formiramo radnu grupu u skorije vrijeme, nije problem da je verifikujemo na narednoj sjednici Vijeća, a da Nacrt Strategije bude u I-kvartalu iduće godine. To je nešto što ja mogu prihvatiti kao najkraći rok koji bi mogli da provedemo. U pravu ste kad kažete da je to u vezi sa Prostornim planom. Prostorni plan ide svojom dinamikom, nisam siguran da li ćemo završiti do nove godine, ali se nadam u prva dva mjeseca naredne godine. Cilj je da imamo kvalitetnu Strategiju i tačno je da se moramo vezati i na Prostorni plan.

Vijećnik Firuz Galijašević, imam ja jedan prijedlog. Ovdje u nazivu Strategija o razvoja turizma i turističkih potencijala na općini Maglaj 2017.- 2024. onda moramo staviti da je to za period 2018. do 2024. godine, jer mi je neobično da mi glasamo za nešto što je bilo prošle godine. Da to bude Strategija za 2018. – 2024. godinu.

Pauza za Kolegij OV.

Predsjedavajuća OV, zaključujem raspravu i predlažem

Z A K L J U Č A K

6.1. Donosi se Odluka o pristupanju izradi Strategije razvoja turizma i turističkih potencijala na općini Maglaj uz predložene sugestije.

6.2. Da se pristupi izradi Strategije nakon što se usvoji revidirana Strategija općine Maglaj i Prostorni plan za općinu Maglaj.

6.3. Da se Radna grupa verifikuje na narednoj sjednici Općinskog vijeća.

6.4. Da se Informacija o projektima o javnom privatnom partnerstvu općine Maglaj pripremi za slijedeću sjednicu Općinskog vijeća.

Usvojeno jednoglasno.

AD – 7 Prijedlog Odluke o dimnjačarskoj djelatnosti;

Anto Maglica, uvodno izlaganje obrazloženje Odluke.

Na sjednici Općinskog vijeća 07.07.2017.godine je donesen zaključak o usvajanju nacрта Odluke o dimnjačarskoj djelatnosti.

Javna rasprava je provedena 31.08.2017. godine. Sve prijedloge, primjedbe i sugestije koje su bile u skladu sa zakonom i sa namjenom Odluke o dimnjačarskoj djelatnosti uzete su u obzir i ugrađena u istu. Odluka je dovedena u formu prijedloga i kao takva se i dostavlja Općinskom vijeću na usvajanje.

Otvorena je rasprava.

Vijećnik Hajrudin Ferić, ja predlažem da mi ovu Odluku vratimo na doradu. Ima više obrazloženja ne bih uzimao puno vremena, ali sasvim sigurno treba da kažemo da javna rasprava koja je održana 31.08.2017.godine ovdje u sali Općinskog vijeća nije polučila ni jednog jedinog posjetioca. Dakle, nije praktično obavljena javna rasprava. Da li se mogla i na drugi način obaviti da čujemo mišljenje i građana onih kojih se najviše tiče. Mi kad smo usvajali nacrt ove Odluke, znali smo da postoje određene dileme, sumnje itd. Mislim da bi dobro bilo da se još dodatno konsultuju i predstavnici mjesnih zajednica i drugi. Ne mora biti obavljena javna rasprava, ali bi u ovom periodu ukoliko se usvoji ovaj prijedlog koji iznosim u ime Kluba da se vrati na doradu.

Šta i na koji način provoditi ovaj pravilnik koji određuju gradnju i upotrebu dimnjaka u kojem je tačno propisano sve šta mora biti u projektima, šta u projektnoj dokumentaciji. Tamo stoji da građani traže ateste, a u ovim Pravilnicima o dimnjacima stoji o građevinskim uslovima izgradnje dimnjaka stoji da u svakom projektu to mora da postoji. Treba određeno uputstvo i konkretizacija koje može da obavlja dimnjačar. Pitanje cijena i taj dio treba da se vodi računa i da se u Odluci decidnije i preciznije odredi na koji način će se utvrđivati cijena i cjenovnik. Da li i na koji način mogu dimnjačari da mjere količinu čađi, odnosno zagađenosti emisije ugljen dioksida. Znam da ne može to kod nas, a postoje određeni propisi koji obavezuju da se to radi na ispustu itd.

Pored ovih uputstava i pravila moraju biti regulisane i nadležnosti Službe za urbanizam, a na kraju i same ove novčane kazne su nelogične. Između ostalog onaj ko ne dozvoli da mu se pride dimnjaku bit će kažnjen 500,00 KM, pa dalje, a oni drugi koji puno gori prekršaj učine oni će biti kažnjeni od 100 do 200 KM itd.

Ja predlažem da se vrati na doradu, da preciziramo sve ono nešto slično kao i kad je u pitanju Odluka o održavanju, upravljanju stambenih i stambeno poslovnih objekata, jer moraju biti i pravilnici zajedno. Republika Hrvatska je to jako dobro uradila imaju sve.

Vijećnica Selma Avdić, u ovo se trebamo svi uključiti. Da li je stariji upravitelj ili dimnjačar? Ako je donesena odluka o upravitelju, upravitelj treba da vam nabavi dimnjačara. Ovaj materijal je decidno prepisan iz Srebrenika, Kaknja, Vareša i Tuzle identično tipski materijal.

Kako mogu biti identični nameti u gradu Tuzli koja broji 110 hiljada stanovnika, a Maglaj broji 20 hiljada stanovnika, a identično prepisan član 9. a kod nas je to član 13. O Sarajevu nećemo ni razgovarati.

Navest ću neke stvari koje ovdje u članu 13. piše: spaljivanje čađi, struganje ili skidanje masnoća hemijskim sredstvima vrši se svakog mjeseca tokom cijele godine... Spaljivanje masnoća na rešetki svakih 15 dana. Ovo vam je iz Tuzle prepisano. Također i čišćenje pekarskih peći... to su čisti nameti na građanstvo.

Treba se najaviti 48 sati prije nego što dođe u našu zgradu stambenu da očisti dimnjak. U Srebreniku je to navedeno da se to vrši u Srebreniku gradu i Mejdan Srebreniku. Kod nas to nije navedeno, ja mislim da to treba biti novi dio grada, to su stambene jedinice sa dva ili više objekata. Takvih objekata nema u mjesnim zajednicama, možda u Šeheru da ima jedna stambena jedinica. Domaćinstva ne uzimamo u obzir i ako imamo upravitelja, nama ovo i ne treba. Upravitelj se treba boriti za dimnjačara.

Ako se donosi neki namet, trebamo ga pročitati i onaj ko ga predlaže treba ga napraviti decidno a ne ga prepisat.

Vijećnica Šefka Hasanić, stav Kluba vijećnika SDA je također mišljenja da ovu Odluku treba vratiti na doradu. Imamo primjedbe i to ću dostaviti u pisanom tekstu. A volila bih ako bude javna rasprava da to bude u poslije podnevnim satima jer bi voljela doći ali nisam u mogućnosti zato što radim do četiri sata.

U preambulu dodati i član 44. Zakona o zaštiti od požara i vatrogastva «Službene novine ZDK 5/11, jer se član odnosi na: Održavanje instalacija

(1) Vlasnici građevina i prostora i upravitelji stambenih objekata dužni su održavati u ispravnom stanju postrojenja, uređaje, električne, gasne, ventilacijske i druge instalacije, dimnjake i ložišta koji mogu prouzrokovati nastajanje i širenje požara, u skladu sa tehničkim normativima i uputstvima proizvođača, koji se odnose na pitanje o čemu moraju voditi evidenciju i posjedovati odgovarajuću dokumentaciju.

(2) Ako se ne može utvrditi vlasnik iz stava (1) ovog člana, obaveze utvrđene u tom stavu, preuzima korisnik građevine, odnosno prostora.

Član 1. definisati osnovne pojmove koje tretira ova Odluka, kao što su dimnjačarska djelatnost, dimnjačarska služba, davalac usluga, korisnik usluga, certificirani dimnjačar ..itd.

Član 1. prelazi u član 2. i tako nizom pomjereno za jednu tačku.

U članu po prijedlogu Odluke 2. a sada 3. članu iza stava pod slovom k) dodati stav l) koji će glasiti: Po završetku obavljenih poslova iz prethodnih stavova davalac usluga je obavezan izdati zapisnik o ispravnosti i funkcionalnosti dimovoda, dimovodnih objekata i uređaja za loženje.

U drugom dijelu odluke koji se odnosi na organizaciju dimnjačarskih poslova u članu 4. (5) stav 2 da se briše dio teksta gdje se kaže da donošenjem posebnog pravilnika od strane Općinskog načelnika mogu se propisati detaljni i dodatni uslovi za obavljanje dimnjačarske djelatnosti, umjesto toga da se doda novi član 6. koji će definisati pravno ili fizičko lice koje će obavljati poslove dimnjačarske djelatnosti. Prijedlog Kluba SDA je da dimnjačarska služba bude organizirana unutar KJD kao djelatnost od posebnog interesa za Općinu. Da se na slijedećoj sjednici Općinskog vijeća pripremi Odluka o povjeravanju obavljanja djelatnosti iz prethodnog stava, o čemu će se OV izjasniti.

Dodaje se novi član Odluke 6. koji će definisati korisnike odnosno područje na kojim će se primjenjivati odluka a odnosi se na subjekte koji podliježu obaveznoj kontroli i čišćenju dimovodnih objekata.

Odluka će se primjenjivati na subjekte kako je navedeno u članu 5 (7) prijedloga Odluke., te se poslije stav a 1. dodaje stav 2. koji će glasiti:

Od obaveznog čišćenja se izuzimaju ložišta, peći i priključni objekti na dimnjake u domaćinstvu odnosno individualnim stambenim objektima.

U članu 6 (8) prijedloga Odluke u stavu e) da se briše riječ na području općine Maglaj, te dodaje područje definisano članom 6. izmijenjene odluke.

U članu 9. prijedloga Odluke dodaje se stav 2 koji glasi: U slučaju da stambene jedinice koje imaju upravitelja, upravitelj je obavezan da vrši čišćenje dimovoda.

Stav 2 (3) člana 9. prijedloga Odluke gdje se definiše naplata za rad dimnjačarske službe, treba da se doda da je cjenovnik pružanja usluga sastavni dio ove odluke, te da se isti dostavi OV na uvid, na ovoj sjednici OV.

Iza stava 3 (4) člana 9. prijedloga Odluke dodati način obavljanja dimnjačarske djelatnosti gdje će biti definisano vrijeme obavljanja dimnjačarske djelatnosti.

Obavljanje dimnjačarske djelatnosti se vrši radnim danom u periodu od 09:00 – 17,00 u stambenim objektima, u javnim ustanovama i proizvodnim objektima u vremenu koje odgovara prirodi posla, tako da ne ometa normalan rad i proces proizvodnje.

Član 13. prijedloga Odluke gdje se definišu rokovi za čišćenje dimovodnih objekata pod stavom a) da se briše riječ individualnim.

U stavu b) i c) da se izmjeni da se dimovodni objekti čiste najmanje jednom godišnje.

U stavu d) da se izmjeni da se dimovodni objekti čiste svaka tri mjeseca, te da se preispita zakonska osnova za rokove koji su navedeni u članu 13.

Član 20. umjesto riječi ovlaštenu dimnjačara piše davatelj dimnjačarskih usluga.

U članu 21. da se definiše nadležnost inspekcije, jer u odluci piše općinska komunalna inspekcija, građevinska inspekcija, inspekcija zaštite okoliša, inspekcija zaštite od požara, jer zadnje dvije inspekcije nisu u nadležnosti općine.

Ova primjedba se veže i član 23. u kojem piše da akta nadležnih inspektora razmatra drugostepena komisija za žalbe, jer se postavlja pitanje da li drugostepena komisija OV može razmatrati žalbu koju donese kantonalni ili federalni inspektor.

Dopredsjedavajući OV, zaključujem raspravu i predlažem

Z A K L J U Č A K

7.1. Vraća se na doradu Prijedlog Odluke o dimnjačarskoj djelatnosti.

7.2. Nadležna Služba prilikom procesa dorade treba da vodi računa o regulaciji dimnjačarskih područja, da se preciziraju uslovi za obavljanje dimnjačarske djelatnosti. Da u saradnji sa Službom za urbanizam se reguliše da li posebnim propisom, ili kroz ovu Odluku i pitanja ugradnje ili sanacije dimovoda. Da se u postupku dorade ponovo konsultuju građani na adekvatan način. Da se sankcije realnije i preciznije definišu i da se uzmu u obzir i sve druge primjedbe i prijedlozi i sugestije koje su iznesene na ovoj sjednici Općinskog vijeća, računajući i pisane prijedloge Kluba SDA koji su dostavljeni u Službu.

Usvojeno jednoglasno

Dopredsjedavajući OV, obzirom da Načelnik ima obaveza od ranije i mora napustiti sjednicu Općinskog vijeća, prije 8. tačke Načelnik će imati brifing.

Brifing Općinskog načelnika između dvije sjednice

Vijećnici SDA napustili su salu OV.

- Trenutno je u gradu najinteresantnije kada će se pustiti u promet Ulica Srebreničkih žrtava rata, konkretno završen je kolovozni dio, trotoarski dio i ulična rasvjeta itd. Ostalo je još nekih nezavršenih poslova, mi nemamo više vremena da čekamo da se ta ulica pusti u funkciju i zbog toga je i obavljen sastanak sa Nadzornim organom, a za sutra je zakazan sastanak sa svim učesnicima građenja, tako da ova ulica Srebreničkih žrtava rata mora ići najdalje slijedeće sedmice. Imamo određenih dilema, odnosno određenih primjedbi na kvalitet, čekamo potvrdu kvaliteta, dokumentaciju, rezultate ispitivanja sa konačnim preporukama o kvalitetu izvedenih radova. Ukoliko bude bilo potrebe da se dokazuje od neke nezavisne institucije to ćemo iskoristiti priliku. Uglavnom je cilj da ta ulica bude u funkciji od slijedeće sedmice.

- Očekujemo završetak i rješavanje imovinsko pravnih odnosa u Poslovnoj zoni u Misurićima, tako da se započnu radovi uz napomenu da je potpisan ugovor sa izvođačima radova.

- Završen je dio puta prema Husanovićima u Moševcu, a uskoro ide i dio puta prema Husakovićima.

- U toku su infrastrukturni radovi na održavanju u skladu sa planom koji je odobrilo ovo Vijeće.

- Uskoro bi trebali ići i sa tenderom energetske efikasnosti ulične rasvjete zajedno sa UNDP-i što će direktno uticati na smanjenje troškova za električnu energiju koju smo izdvajali do sada.

- Prošli smo i u projektu UNDP-i programu oporavka od poplava, tako da ide javni poziv koji će trajati od 9.10. do 9.11. za odabir korisnika ove pomoći a odnosi se na sanaciju oštećenih ili totalno uništenih objekata. Da građani znaju da javni poziv traje mjesec dana.

- Imali ste priliku preko sredstava informiranja da dobijete informaciju da smo posjetili i Češku ambasadu gdje smo održali sastanak sa predstavnicima Češke ambasade, odnosno sa direktorom za regiju Balkan i njegovom saradnicom Češke razvojne agencije, gdje smo prezentirali pet projekata. Jedan od projekata je studijsko putovanje po prijedlogu Češke ambasade, a preostala četiri su centralno grijanje općine Maglaj, utopljavaње stambenih objekata, projekat recikliranja, separiranja otpada i projekat tretiranja otpadnih voda. To je ono zašto je zainteresovana Češka razvojna agencija. U skladu sa njihovim preporukama mi smo i aplicirali ove projekte i u ovom trenutku mogu reći da projekt energetske efikasnosti ovih objekata stambenih vjerovatno nije interesantan, a za ostale smo dobili vrlo visoku ocjenu i jučer u toku dana, nakon naše posjete u Sarajevu jučer je u Maglaju boravio Češki ambasador gospodin Akmus Kalnik i potvrdio nam da smo predložili dobre projekte, da je Agencija prihvatila ih i da bi trebali do kraja ove godine da dobijemo određenu informaciju da li smo konkretno prošli sa nekim od tih projekata koji bi išli direktno u implementaciju. Ono što je potpuno jasno nakon ovih sastanaka da Češka razvojna agencija implementira one projekte gdje daju svoje i znanje i svoju tehnološku opremu i zbog toga im i nije bio interesantan ovaj projekat utopljavaња zgrada.

Imate informaciju da je prošle sedmice otvorena Sportska dvorana u Novom Šeheru.

Od posljednje sjednice Vijeća održano je i «Studentsko ljeto», ja mogu reći na vrlo visokom nivou.

Žalosti me što vas moram informisati da Presudom Općinskog suda u Zenici od 04.10.2017.godine obavezni smo isplatiti iznos od 206.966,89 KM u korist tužitelja TB «Inženjering». Smatramo da moramo ići dalje u sudski proces da pobijemo ovu presudu, takav je stav i Općinskog pravobranioca i iskreno se nadam da nećemo izgubiti u ovom sporu, jer ukupni iznos nije malen, izuzetno je visok za općinu Maglaj.

Također moram napomenuti da smo skoro po pravosnažnoj presudi morali platiti nekih cca 12.000,00 KM Upravi za indirektno oporezivanje, što je Općina Maglaj izgubila na sudu a radi se o računarima koji su donirani tokom poplava. Koliko je računara bilo, gdje su završili itd. doći ćemo do tih podataka, ali činjenica je da ovih samo 12.000,00 KM poreza govori da su mogli doći 12 novih kvalitetnih računara, a bilo ih je više.

Idemo s projektom za poljoprivredu po programu CRS-a i mogu najaviti da smo vrlo blizu da dobijemo i jedan kvalitetan projekat za poljoprivredu preko bratskog grada u Turskoj, preko njihovih relacija.

U međuvremenu sam kao Načelnik obavio dvije posjete. Jedna je u Tursku grad Čubuk, i jedna je u Austriju. U Čubuku smo imali kontakte sa privrednicima tog kraja i dobili smo obećanje da će grupa privrednika doći da sagleda stanje u Maglaju i eventualno investiranje u proizvodnju u ovom dijelu.

U Austriji sam boravio po pozivu da vidimo mogućnost povezivanja naših proizvođača jagodičastog, bobičastog voća sa austrijskim kooperantima koji vrše skladištenje, imaju velike hladnjače, vrše otkup tog voća po kvalitetnoj cijeni u odnosu na onu cijenu po kojoj je ucijenjena ove godine sva populacija koja se bavila proizvodnjom tog voća.

S obzirom da žurim, što budete imali vijećničkih pitanja dobit ćete odgovore. Pojedini vijećnici nisu dobili još odgovore na vijećnička pitanja, neki iz razloga što proces još teče. Malo prije sam imao primjedbu na pauzu od predsjednika Kluba vijećnika SDA Safeta Jašića, da ne dobijaju odgovore na vijećnička pitanja. Što nije tačno, uz konstataciju da sa posljednje sjednice nisu dobili ni jedan odgovor. Vi znate da na posljednjoj sjednici nisu postavili ni jedno pitanje, onaj ko ne postavi ni jedno pitanje, a nisu ni bili u sali ne može dobiti ni jedan odgovor. Moram napustiti sjednicu, sva pitanja koja postavite dobit će Službe i dobit ćete odgovore, i one odgovore koji do sad nisu dostavljeni potrudit ćemo se da dođu.

AD – 8 Informacija o provedenoj obaveznoj preventivnoj sistematskoj deratizaciji, dezinfekciji i dezinskciji na području općine Maglaj - proljetna faza 2017. godina;

Dopredsjedavajući OV, Informaciju ste dobili uz sazivu, otvaram raspravu.

Vijećnica Šahman Anida, Klub vijećnika SDP-a Informaciju o provedenoj obaveznoj preventivnoj sistematskoj deratizaciji, dezinfekciji i dezinfekciji na području općine Maglaj - proljetna faza 2017. godina, koja je bila obavezna za područje općine Maglaj, prima k znanju.

Dopredsjedavajući OV, zaključujem raspravu i predlažem

- Informacija o provedenoj obaveznoj preventivnoj sistematskoj deratizaciji, dezinfekciji i dezinfekciji na području općine Maglaj - proljetna faza 2017. godina, prima se k znanju.

VIJEĆNIČKA PITANJA I INICIJATIVE

Vijećnik Edib Delić, ja imam dva vijećnička pitanja. Jedno pitanje koje sam postavio na 6-oj redovnoj sjednici i nisam nikad dobio odgovor. Ponovo ću postaviti isto pitanje.

1. Koliko je i koje projekte Općina Maglaj kandidovala prema višim nivoima vlasti, kanton, federacija, država za finansiranje u 2017. godini?

2. Iz kojih sredstava je plaćeno održavanje ulične rasvjete za prvih 6 mjeseci, obzirom da u Izvještaju o izvršenju Budžeta na ovoj poziciji je 0 izvršenje i da li to znači da nije zamijenjena niti jedna sijalica, čak ni u gradu.

Tražim informaciju o aktivnostima Etičke komisije po prijavi Kluba SDA protiv Općinskog načelnika za vrijeđanje vijećnika SDA. To je jedan od razloga zašto Klub vijećnika SDA neće prisustvovati brifingu Općinskog načelnika ubuduće. Tražimo informaciju da li se sastala Etička komisija, jer ima već dva mjeseca kako smo podnijeli prijavu, nemamo povratnih informacija šta je s tim.

Vijećnik Adis Abdurahmanović, ja sam prošlu sjednicu ovo pitanje dao u pisanoj formi, a odgovor nisam dobio. Uredno je uvedeno u zapisnik, sad ću ponovo predati u pisanoj formi. Isto ću i pročitati.

Na petoj redovnoj sjednici održanoj dana 06.04.2017.godine, doneseni su zaključci koji su vezani za Odluku o utvrđivanju namjene prostora za bušeni bunar EB-1 na prostoru Regulacionog plana Kosova i to kako slijedi:

- Zadužuju se nadležne službe i komunalno-sanitarni inspektor da redovno informišu Općinsko vijeće o svakoj aktivnosti i svakoj fazi daljnje realizacije na izgradnji bunara EB – 1.
- Zadužuje se UG Vodovod Donja Kosova da redovno vrši analizu vode kako hemijske i tehnološke tako i na teške metale i da o tome obavještava Općinsko vijeće.

Pitamo se i tražimo odgovor zašto nakon 6 mjeseci nisu ispoštovani ovi zaključci? Da li to ništa nije rađeno ili o čemu se radi?

Vijećnik Safet Jašić, neću postaviti ni jedno pitanje, nego ću pitati za ova stara pitanja koja su postavljena ispred Kluba SDA.

Osnovno pravo vijećnika je da postavlja vijećničko pitanje i da dobije odgovor na postavljeno vijećničko pitanje. Praksa je postala da se Klubu SDA ne daju uopće odgovori na vijećnička pitanja. Ja ću pročitati samo neka za posljednje sjednice koja su postavljena, čak i pretposljednje. Neću ih čitati decidno samo ću napomenuti. Bila je jedna vijećnička inicijativa gdje smo tražili da se izvrše izmjene i dopune akata kojim se definišu poticaji poljoprivredne proizvodnje. To je bila vijećnička inicijativa.

Vijećničko pitanje je bilo jer je tako i rečeno u ranijim brifinga Načelnika o zbrinjavanju pasa lualica. Da li je potpisan bilo kakav ugovor? Pasa je sve više itd. rečeno je da će to u dogledno vrijeme biti riješeno, međutim godina dana je prošla od toga. Zašto nije raspisan javni poziv za raspodjelu sredstava iz granta kulture? Mislim da to pitanje zaslužuje i pažnju i odgovor. Zašto na sjednicu Općinskog vijeća nije došao pisani akt Ombudsmena za ljudska prava kada su u pitanju Upravni odbori, jer ga je Općina dobila i dobili su kandidati koji su se žalili Ombudsmenu za ljudska prava. Znamo da je Općina to dobila a nije došlo na Općinsko vijeće ako idemo u demokratiju toliko da Općinsko vijeće imenuje UO bilo je red da se ovdje kaže dobili smo pismo od Ombudsmena za ljudska prava i odgovor je slijedeći.

Zašto Općinsko vijeću nisu dostavljeni kriteriji po kojima smo bodovani kandidati koji su se prijavi za članove i predsjednika Upravnih odbora. Trebalo je da i to vidimo, ako je transparentno, neka i to ide transparentno da vidimo kako je ko bodovan.

Zašto u skladu sa Odlukom Općinskog vijeća nisu dostavljene pisane preporuke od strane Komisije i sve relevantne informacije i referense koje su imali prijavljeni kandidati za neki od UO. Ovo je sve bilo postavljeno na sjednici od 22.08.2017.godine. Nismo dobili ni jedan odgovore na ovo i ako se ovakva praksa nastavi mi ćemo tražiti svoja prava i na drugim mjestima, pa morat će nam neko odgovoriti i na ovo. Dosta je ignorisanja mi želimo da realno i čestito učestvujemo u rješavanju problema, svih problema građana kao i pozicija, prema tome zaslužujemo bar toliko da nam se odgovori na postavljena vijećnička pitanja.

Neću ništa predavati jer vi imate sva ova vijećnička pitanja. Ja se nadam da ćemo bar do iduće sjednice dobiti odgovore i na ova pitanja.

Predsjedavajuća OV, samo jedna sugestija Načelnik je u brifingu iznio da su vijećnička pitanja dostavljena po okončanju sjednice i na njih nije odgovoreno iz tih razloga. Tako da vas molimo da ih dostavite kako bi se na ista moglo odgovoriti.

Dopredsjedavajući OV, i ova vaša rasprava nema status vijećničkog pitanja nego ima rasprave o sudbini odgovora na vijećnička pitanja i inicijative i bit će posebna točka dnevnog reda kada ćemo o tome raspravljati.

Vijećnik Mirza Bradarić, kad je bila rasprava po pitanju 1. tačke dnevnog reda, svoje vijećničko pitanje ostavio. Na osnovu Informacije o stanju bezbjednosti za prvih šest mjeseci 2017. godine koju ste dostavili na razmatranje Općinskom vijeću Maglaj, može se zaključiti da se stanje bezbjednosti u većini slučajeva ne razlikuje od prethodnih godina. No, pored ovih informacija, želio bih da mi konkretnije kažete kakva je situacija po pitanju Mjesnih zajednica na području općine Maglaj, konkretno MZ Jablanica.

1. Koliko je PS Maglaj, za prvih šest mjeseci 2017. godine, zaprimila dojava o bilo kakvoj vrsti krivičnog djela ili prekršaja na području MZ Jablanica?
2. Na koliko tih poziva ili dojava su službenici PS reagovali?
3. Koji su rezultati po pitanju tih poziva ili dojava?

Vijećnik Hajrudin Fermić, ja sam na prošloj sjednici Općinskog vijeća postavio dva vijećnička pitanja. Dobio sam odgovor na jedno, na jedno nisam.

Na ovo što sam dobio odgovor, dobio sam ga od Doma kulture a bilo je vezano za uslove davanja u zakup njihovih poslovnih prostora u Sportskoj dvorani i inače u objektima Doma kulture. S tim u vezi na idućoj sjednici mi ćemo pokrenuti određene inicijative koje se tiču načina, uslova i sve ostalo, davanja u zakup trećim licima objekata koji su javni, državni ili upravljaju s njima JU i JP da se izjasnimo da nešto pokušamo tu sistemski riješiti. Pokrenut ću dvije inicijative.

1. Da se na idućoj sjednici Općinskog vijeća nađe informacija kao posebna točka dnevnog reda Informacija o statusu aktivnostima i nadležnostima Zdravstvenog savjeta općine Maglaj. Mislim da je starim vijećnicima poznato da je još 2010. godine i Zakon o zdravstvenoj zaštiti, a pogotovo Zakon o zaštiti i pravima pacijenata prilično dobro regulisao i status i pitanja kojima se bavi Zdravstveni savjet, pa između ostalog i Zdravstveni savjet Doma zdravlja. Pošto mi svi znamo da 2013. godine je utvrđen Zdravstveni savjet koji nikad ni jedne sjednice nije održao iz razumljivih razloga jer nisu ni bili pripremljeni svi materijali, niti je bio popunjen. Nije jednostavno bilo precizirano niti djelatnost, niti način rada, niti poslovničke odredbe, niti način popunjavanja tog zdravstvenog savjeta, ja pokrećem inicijativu da na slijedećoj sjednici dobijemo pisanu informaciju i da se odmah nakon te informacije pokrene postupak za raspisivanje Javnog konkursa za imenovanje članova Zdravstvenog savjeta za naredne četiri godine.

2. Pokrećem inicijativu da se Odluka o obilježavanju značajnih događaja i datuma, izvrše dopune koje regulišu način obilježavanja zvaničnih, međunarodnih, državnih i drugih događaja, datuma, pa i ličnosti od općinskog značaja, iz prostora razloga što nam se pokazalo da mi zaista nemamo pisani čvrst, jasan protokol i da se često u takvim situacijama dešavaju i neki mali propusti koji mogu u nekom narednom periodu da budu i veliki i da se ružno i negativno odraze na općinu Maglaj, a u isto vrijeme i da se u toj Odluci koju bismo doradili i dogradili i regulišu pitanja proglašenja Dana žalosti na općini Maglaj. Mi to nemamo ničim regulisano. Ako se sjetimo nekih događaja od djece Kokića, od porodičnog para koji su stradali u saobraćajnoj nesreći Hadžikadunići, pa do žrtava u poplavama, pa i ovih teških saobraćajnih nesreća, požara itd. Nemamo to regulisano ni ko, ni na koji način proglašava, a u isto vrijeme moramo imati tako nešto predviđeno i kad se eventualno nekim našim bratskim ili partnerskim gradovima nešto desi, da mi ovdje kao partner grad ili pobratim grad možemo da proglasimo Dan žalosti.

Vijećnik Safet Jašić,

Klub vijećnika SDA traži da se dostavi informacija Općinskom vijeću za sve dodijeljene jednokratne novčane pomoći od 01.01.2017. godine do danas i to po svim osnovama.

Vijećnica Smajlović Dženita,

Klub vijećnika SDA ponovo postavlja vijećničko pitanje vezano za zbrinjavanje pasa lualica obzirom da do sada nismo dobili odgovor, te da li je potpisan ugovor o zbrinjavanju pasa lualica sa nekim subjektom i kada? Obzirom da ovaj problem nije prisutan samo u gradu već i u svim mjesnim zajednicama.

Sjednica završena u 14,38 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

